



Lotus

Broj: 14-02-04-06054/23

Datum: 06. 12. 2023. godine



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
Reisa Dž. Čauševića br. 1
71000 SARAJEVO

N/r Elvedin Okerić, predsjedavajući

- 8 - 12 - 2023

PREDMET: Odgovor na zastupničku inicijativu, dostavlja se;

VEZA: Vaš akt, broj: 01-04-46892-9/23 od 15.11.2023. godine

Poštovani,

U skladu sa zastupničkom inicijativom, broj i datum veze, upućenom od strane zastupnice Marijele Hašimbegović, na Jedanaestoj radnoj sjednici Skupštine Kantona Sarajevo, održanoj dana 15.11.2023. godine, a koja glasi:

"Zahtjevam detaljan pregled inspekcijskih nadzora obavljenih u Elektrotehničkoj školi za energetiku u Sarajevu za period od 2020. do danas, koji će osim broja pregleda sadržati jasnu naznaku i opis vrste utvrđenog prekršaja, izrečenih mjera i eventualnih kazni (prekršajnih naloga) te zaključaka o prinudnoj naplati" „dajemo sljedeću informaciju:

Provjerom kroz Registar novčanih kazni i prekršajne evidencije Kantonalne uprave za inspekcijske poslove Kantona Sarajevo utvrđeno je da su JU "Elektrotehnička škola za energetiku Sarajevo" u periodu od 2020. godine do danas izdata 4 (četiri) prekršajna naloga, i to:

1. Dana 21.06.2021. godine od strane kantonalnog inspektora rada izdat je prekršajni nalog, broj: JSBO 107.170.800.7 zbog prekršaja iz člana 43. Zakona o radu i za isti prekršaj izrečena je minimalna zakonska kazna propisana istim Zakonom u iznosu od 1.000,00 KM. Po osnovu predmetnog prekršajnog naloga JU "Elektrotehnička škola za energetiku Sarajevo", zatražila je sudsko odlučivanje, a po kojem je održan usmeni pretres i za koji prekršaj je Općinski sud u Sarajevu donio Rješenje, broj: 65 0 Pr 915321 21 Pr od 15.03.2023. godine i istim izrekao uvjetnu osudu.

"Opis prekršaja iz prekršajnog naloga, broj: JSBO 107.170.800.7 od 21.06.2021. godine je sljedeći: Što je dana 16.06.2021. godine, oko 13,30 sati u Sarajevu, u ulici Zmaja od Bosne 37, općina Novo Sarajevo, inspekcijskim nadzorom izvršenim od strane kantonalnog inspektora rada u JU "Elektrotehnička škola za energetiku Sarajevo" u ulici Zmaja od Bosne, postupajući inspektor

06-12-2023

utvrdio da predmetni poslodavac evidenciju o radnom vremenu jednog radnika kontrolirane ustanove, za mjesec maj 2021. godine, ne vodi u pogledu normiranog radnog vremena (prisustva na radu), u skladu sa propisanim načinom i sadržajem iz člana 43. Zakona o radu ("Službene novine FBiH", broj: 26/16 i 89/18) i ne evidentira podatke o smjenama i druge podatke o prisustvu radnika na radu, odnosno evidencije o radnom (normiranom) vremenu (prisutnosti imenovanog radnika na radu) ne vodi u skladu sa Pravilnikom o sadržaju i načinu vođenja evidencije o radnicima i drugim licima angažovanih na radu čime je okrivljeno pravno lice počinilo prekršaj iz člana 43. Zakona o radu a kažnjivo po članu 171. stav 1. tačka 26. istog Zakona."

2. Dana 30.05.2023. godine od strane kantonalnog inspektora rada izdat je prekršajni nalog, broj: JSBO 107.177.186.6 zbog prekršaja iz člana 83. Zakona o inspekcijama Kantona Sarajevo ("Službene novine Kantona Sarajevo", br.2/17 i 37/21) i za isti prekršaj izrečena je minimalna zakonska kazna propisana istim Zakonom u iznosu od 3.000,00 KM. JU "Elektrotehnička škola za energetiku Sarajevo", je platila novčanu kaznu izdatu predmetnim prekršajnim nalogom.

"Opis prekršaja iz prekršajnog naloga, broj: JSBO 107.177.186.6 od 30.05.2023. godine je slijedeći:

Što je dana 24.05.2023. godine godine u 13,30 sati u Sarajevu, u ulici Zmaja od Bosne 37, općina Novo Sarajevo, kontrolnim inspeksijskim nadzorom izvršenim od strane kantonalnog inspektora rada u prostorijama JU "Elektrotehnička škola za energetiku Sarajevo" u ulici Zmaja od Bosne, utvrđeno da subjekt nadzora nije postupio po Rješenju inspektora rada, broj: UP-1-14-09-30-16727/23-09/34-005 od 06.04.2023. godine, a što je suprotno članu 83. Zakona o inspekcijama Kantona Sarajevo ("Službene novine Kantona Sarajevo", br.2/17 i 37/21) čime je okrivljeno pravno lice počinilo prekršaj iz člana 83. Zakona o inspekcijama Kantona Sarajevo ("Službene novine Kantona Sarajevo", br.2/17 i 37/21), a kažnjivo po članu 109. stav 1. tačke i. istog Zakona."

3. Dana 20.06.2023. godine od strane kantonalnog prosvjetnog inspektora izdat je prekršajni nalog, broj: JSBO 107.182.779.5 zbog prekršaja iz člana 144. stav 7. Zakona o srednjem obrazovanju Kantona Sarajevo ("Službene novine Kantona Sarajevo", br. 23/17, 30/19. 34/20 i 33/21) i za isti prekršaj izrečena je minimalna zakonska kazna propisana istim Zakonom u iznosu od 1.000,00 KM. JU "Elektrotehnička škola za energetiku Sarajevo" je platila novčanu kaznu izdatu predmetnim prekršajnim nalogom.

"Opis prekršaja iz prekršajnog naloga, broj: JSBO 107.182.779.5 od 20.06.2023. godine je slijedeći:

Što je dana 20.06.2023. godine godine u 10,00 sati u Sarajevu, inspeksijskim nadzorom izvršenim od strane kantonalnog prosvjetnog inspektora u JU "Elektrotehnička škola za energetiku Sarajevo" u ulici Zmaja od Bosne 37, općina Novo Sarajevo, utvrđeno i zapisnički konstatovano da škola nije sa 16. sjednice Školskog odbora održane dana 14.06.2023. godine objavila odluke, stavove i zaključke istog na oglasnoj ploči škole u roku od tri dana od održavanja sjednice, kao i odluke, stavove i zaključke sa 12., 13., 14. i 15. sjednice Školskog odbora srednjih škola Kantona Sarajevo ("Službene novine Kantona Sarajevo", br. 42/17, 23/18 i 13/23), a koji je donio ministar, čime je počinjen prekršaj iz člana 144. stav 7. Zakona o srednjem obrazovanju Kantona Sarajevo ("Službene novine Kantona Sarajevo", br. 23/17, 30/19. 34/20 i 33/21), kažnjivo po članu 175. stav 1. tačke I. istog Zakona.

Akt sačinila: Selma Suljević

4. Dana 17.10.2023. godine od strane kantonalnog inspektora rada izdat je prekršajni nalog, broj JSBO 107.180.680.6 zbog prekršaja iz člana 23. Zakona o vijeću uposlenika ("Službene novine FBiH", broj: 38/04) i za isti prekršaj izrečena je minimalna zakonska kazna propisana istim Zakonom u iznosu od 1.000,00 KM. Po osnovu predmetnog prekršajnog naloga JU "Elektotehnička škola za energetiku Sarajevo", je platila novčanu kaznu izdatu predmetnim prekršajnim nalogom.

"Opis prekršaja iz prekršajnog naloga, broj: JSBO 107.170.800.7 od 21.06.2021. godine je slijedeći:

Što je dana 03.10.2021. godine u 13,00 sati inspekcijским nadzorom izvršenim od strane kantonalnog inspektor rada u JU "Elektotehnička škola za energetiku Sarajevo" u ulici Zmaja od Bosne, postupajući inspektor utvrdio da poslodavac nije, prije donošenja odluke značajne za prava i interese zaposlenika, u slučajevim propisanim članom 23. Zakona o vijeću uposlenika, konsultovao s vijećem zaposlenika o namjerovanoj odluci, odnosno da subjekt nadzora prilikom donošenja plana godišnjeg odmora za 2023. godinu i pojedinačnih rješenja o korištenju godišnjih odmora nije izvršio konsultaciju sindikata/sindikalnog povjerenika čime je počinilo prekršaj iz člana 23. Zakona o vijeću uposlenika ("Službene novine FBiH", broj: 38/04), a kažnjivo po članu 39. stav 1. tačke 3. istog Zakona."

Obzirom da je za prekršaj iz člana 43. Zakona o radu po prekršajnom nalogu, broj: JSBO 107.170.800.7 21.06.2021. godine, Općinski sud u Sarajevu donio Rješenje, broj: 65 0 Pr 915321 21 Pr od 15.03.2023. godine 30.05.2023. godine, i istim izrekao uvjetnu osudu, te obzirom da su izdati prekršajni nalozi JSBO 107.177.186.6 od 30.05.2023. godine, broj JSBO 107.182.779.5 od 20.06.2023. godine i broj JSBO 107.170.800.7 od 21.06.2021. godine plaćeni, to i nije bilo zaključaka o prinudnoj naplati.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

V.D. DIREKTOR


Adis Mešić

Akt sačinila: Selma Suljević

